

# INUIT ATAQATIGIIT

## INATSISARTUNI



Nuuk, 14. januar 2013

Inatsisartut Suleriaasianni § 37 naapertorlugu Naalakkersuisunut imaattunik apeqquteqarpunga.

(Inatsisartuni ilaasortaq Kaali Olsen, Inuit Ataqatigiit)

### Apeqqutit:

1. Piareersarfinni AEU aqqutigalugu atualertartut naammassisartullu qanoq amerlatigaat taakkunanngalu qanoq amerlatigisut ilinniakkamut ingerlaqqittarpat?
2. Piareersarfinni meeqqat atuarfianni inaarutaasumik misilitsinnissaq (FA) siunertaralugu atualertartut naammassisartullu qanoq amerlatigippat taakkunanngalu qanoq amerlatigisut ilinniakkanut ingerlaqqittarpat?
3. Piareersarfinni qaffassarsimasut allat piareersarfereernermik kingorna qanoq suliffeqarnikkut ilinniagaqarnikkulluunniit ingerlaqqittarpat?
4. Nunaqarfinni Piareersarfiit suleqatigalugit suliniutini soorlu Itillimi ingerlanneqarsimasuni qassit aallartissimappat, qassit naammassisimappat qassillu ilinniagaqalersimappat allatulluunniit angusanik qaffassaaniarlutik ingerlaqqissimappat?
5. Piareersarfinni aallartittartunut sanilliullugu ilinniagaqarnermut ingerlaqqittartut amerlassusaat pillugu Naalakkersuisut qanoq naliliippat?
6. Naalakkersuisut Piareersarfiit pillugit siunissami nutaanik taasarialinnik pilersaaruteqarpat?

### Tungavilersuut:

Aningaasanut inatsimmi konto pingaarneq 64.13.23 malillugu inuit 665-it missaat Piareersarfinni ukiumut assigiinngitsutigut qaffassaanernut peqataasarput. Qaffassaanernut taakkununga Nunatta karsianit 36,5 mio. kr. atorneqartarput taassumalu saniatigut Piareersarfinni qaffassartut ilinniagaqarnersiuteqartinneqartarlutik. Apeqquteqaatikkut matumunatigut Naalakkersuisut ingerlatsinermut kisitsisitigut takussutissanik saqqummeeqquneqarput aningaasartuutinullu sanilliullugu angusarineqartartut nalilersoqquneqarlutik.